

四川鹽法志

四川鹽法志卷四

井廠四

火井

沿革上

秦至明敘次皆遵一統志表增設者次後

素

廣都縣

今成都華陽雙流等境按廣都南安廣漢皆漢郡縣名秦郡縣無之然所引水經注元文

如此未便徑改以非地志故於地從略惟以所隸事為主

江水東徑廣都縣

李冰識察水脈穿縣鹽井江西有望穿原

郾道元水經注

江水一劉昭郡國志補注引任豫益州記作望川原

秦孝文王以李冰

為蜀守冰能知天文地理又識齊水脈穿廣都鹽

井諸陂池蜀於是盛有養生之饒焉

常璩華陽國志蜀志

南安縣

今嘉定府屬樂山峨眉洪雅犍為榮縣等境

江水又東南徑南

安縣西懸溉有灘名壘坻一曰鹽溉李冰所平也

水經注 江一郡犍東四百里治青衣江會縣溉有名

灘元注當作灘名誤例一元注曰雷垣元注當作坻二

元注當作亦曰鹽溉李冰所平也華陽國志蜀志

廣漢縣按廣漢地頗寬據銅山當在今中江境中江在唐會置銅山縣以縣西南五十八里有銅

官山 十道記云廣漢之地有鹽井銅山之富本

南夷周末秦并為郡樂史太平寰宇記劍南東道一

漢

成都縣今 成都羅哀訾至鉅萬擅鹽井之利漢書貨殖

傳

廣都縣見 郡蜀西三十里有鹽井魚田之饒大豪

馮氏有魚池鹽井縣凡有小井十數所華陽國志蜀志

牛鞞縣今簡州等境去郡健三百里元鼎二年置相元注

當作有陽明鹽井華陽國志蜀志簡州志州東北六十里有陽明鎮即廢井處

什邡縣今仍楊氏為大姓美田有鹽井華陽國志蜀志

漢髮縣未詳據華陽國志巴志涪陵謝本白璋求以并興漢髮二縣為郡吳志鍾離牧傳魏遣漢

髮長郭純試守武陵太守率涪陵民入蜀當不出今涪州彭水縣地而寰宇記又引華陽志作漢葭

疑字有鹽井華陽國志巴志

南充國縣今南部等境和帝時置有鹽井華陽國志巴志

江陽縣今瀘州及富順隆昌長甯等境有富義鹽井華陽國志蜀志寰宇記

劍南東道七王象之輿地紀勝富順監古迹注及富順縣風俗形勝兩引作富義疆井下云以其出

鹽最多商旅輻輳百姓得其富饒故名按岑刻校勘記云疆字乃鹽字之誤

大甯監

漢為魚復縣地從所引書

輿地廣記圖經舊志載漢永

平七年嘗引此泉於巫山以鐵牢盆盛之水化為

血卒罷其役

輿地紀勝大甯監景物注

胸臆縣

今雲陽及開萬等縣境

郡巴

西二百九十里有靈壽

木鹽井

華陽國志巴志顧祖禹方輿紀要四川四龍河溪在府西九十里志云溪上產靈

壽木

定祚縣

今鹽源等境

定祚出鹽

漢書地理志

縣在郡

越西

渡瀘水賓剛徼白庠沙夷有鹽池

後漢書郡國志注引剛作岡池

作坑積薪以齊水灌而後焚之成鹽

郡國志注漢末作成白鹽

夷等皆錮之張疑往爭夷帥狼岑槃木王舅不肯

服疑禽撻殺之厚賞賜餘類皆安官迄有之北沙

河是

華陽國志蜀志越嶲郡互見職官政蹟

南安縣

見秦

漢有鹽井

華陽國志蜀志顧炎武郡國利病書四川二引下云按

今嘉州之紅崖是其故處矣

鄆縣

今三臺等境

有山原田富國鹽井

華陽國志蜀志

臨邛縣

今邛州等境

孝宣帝地節三年穿臨邛蒲江鹽

井二十所

華陽國志蜀志太平御覽八百六十五引作蜀王本紀云穿鹽井數十所

杜預益州記益州有卓王孫井舊嘗於此取水

煮鹽

利病書四川二

井

縣有火井鹽水昏夜之時光興上炤

水經注江水一作

臨邛有火井一所縱廣五尺深二三丈有

井一作

在縣南百里昔時人以竹木投以取火諸葛丞相

往視之後火轉盛執

一本作熱

盆蓋井上煮鹽得鹽入

以家火即滅今不復然也

張華博物志二

後漢

記太平廣記寰宇記太平御覽諸書所引均小異

臨邛有火井深六十

餘丈火光上出人以筒盛火行百餘里猶可然也

原注蜀王本紀亦同

御覽八百六十九又

蜀

引博物志今據士禮居本博物志無此文

郡臨邛縣有火井漢室之隆則炎赫彌熾暨桓靈

之際火勢漸微諸葛亮一蹴而更盛至景耀元年

人以燭投即滅其年蜀并於魏

劉敬叔異苑四藝文類聚水部九

引較略按今邛州西猶有地名火井漕井則久無矣

汶山郡

今茂州石泉松潘等境

地有鹹土煮以為鹽麇羊牛

馬食之皆肥

後漢書西南夷傳

武陽縣

今仁壽等境

陵州在漢卽犍爲郡武陽縣之東

境陵井者本沛國張道陵所開故以陵爲號

李吉甫元

和郡縣志

劍南道下

陵州漢犍爲郡之武陽縣東境屬益

州部南有陵井

寰宇記劍南東道四陵州

臨江縣

今忠州墊江等境

江水又東徑臨江縣南自縣北

入鹽井谿有鹽井營戶沿注谿水

水經注江水一利病書引作

溪水沿注江矣

其豪門亦家有鹽井

華陽國志巴志

晉

南充縣

今仍按晉志作充國

昆井益州記云南充縣西六十

里有大昆井卽古之鹽井

寰宇記劍南東道五果州嚴觀元和郡縣補

志利病書作

西南六十里



新樂縣

新樂未詳

郡

江陽

西二百八十里元康五年置西

楚

元注當作通

楚道有鹽井

華陽國志蜀志

富世縣

今富順境按晉未有富世名至魏周始有據寰宇記故繫諸晉

晉富世縣

以縣下有鹽井人獲厚利故曰富世

寰宇記劍南東道七富國

監

北井縣

今巫山縣境晉始置

江水又東巫溪水注之溪水導

源梁州晉昌郡之宣漢縣又徑北井縣注水南有

鹽井井在縣北故縣名北井建平一郡之所資也

鹽水下通巫溪溪水是兼鹽水之稱矣

水經注江水二

胸臆縣

見漢

江水又東右徑胸臆縣故城南江水又

東徑瞿巫灘卽下瞿灘也左則湯溪水注之注翼

帶鹽井一百所巴川資以自給粒大者他引有云方一寸

中央隆起形如張繖故因名之曰繖子鹽有不成

者形亦必方異於常鹽矣按段成式酉陽雜俎十御覽八百六十五引荆

州記輿地紀勝雲安軍景物注小異王隱晉書地道記曰入湯口四

十三里有石一作泉煮以爲鹽石大者如升小者如

拳煮之水竭鹽成蓋蜀畢沅輯本有漢字火井之倫水火

相得乃佳矣水經注江水一利病書四川二引

一百二十所按

南浦縣今萬縣境南浦僑縣西溪夾側鹽井二口相去

各數十步以木爲桶徑五尺修煮不絕水經注

汶山郡越巂郡汶山見漢越巂今甯遠府屬境杜預益州記汶山

越舊煮鹽法各異汶山有鹹石先以水漬既而煎

之越舊先燒炭以鹽井水拔炭刮取鹽御覽八百六十五

姑復縣

未詳郡國志屬越舊郡

鹽池澤在南

後漢郡國志注引晉書地道記

火井縣

今邛州晉無此縣名唐始有之

杜預益州記云縣西五里

有靜邊鹽井皆邛州地

利病書四川二

臨邛縣

見漢

杜預益州記益州卓王孫井舊常於此

取水煮鹽義熙十五年治也

利病書四川二引

增火井

左思蜀都賦火井沈熒於幽泉高焰飛扇於

天垂

呂延濟注蜀有火井以家火投之須臾如雷聲散出通天言火在井故云沈熒熒光也劉

良注云蜀郡有火井在臨邛縣西南火井鹽井也欲出其火先以家火投之須臾許隆隆如雷聲燭

出通天光輝十里以筒盛之接其光而無炭也昭明文選郡國志引賦注下有取井火還煮井

水一斛水得四五斗鹽家  
火煮之不過二三斗鹽耳

郭璞鹽池賦火井擅

奇乎巴濮

歐陽詢藝文類聚水部九

臨邛縣郡

蜀郡

西南二百

里有布濮水從布濮來合文井江有火井夜時光

映上昭民欲其火先以家火投之頃許如雷聲火

燄出通耀數十里以竹筒盛其光藏之可拽行終

日不滅也井有二水

方輿紀要四川六引有云一燥一水

取井火煮

之一斛水得五斗鹽家火煮之得無幾也

華陽國志蜀志

漢安縣

今江安縣境

土地雖迫山水特美好宜蠶桑有

鹽井魚池以百數家家有焉

華陽國志蜀志水經注較略

陵州

今仁壽縣境晉時尚仍武陽縣名此從所引書

晉孝武太元中益州

刺史毛璩益西域戍以防鹽井乃於東西兩山築

城置主將

輿地紀勝作自主簿

防衛之

元和郡縣志劍南道下舊唐書地理志

輿地紀勝隆州注歐陽志輿地廣記成都府路仙井監寰宇記劍南道陵州皆作置西城戌

江陽縣

今瀘州等境

崔駟博徒論曰江陽六鹽

御覽八百六十

五

梓潼縣

今仍

太康地記縣出繖子鹽

御覽八百六十五

左思蜀都賦濱以鹽池

劉注鹽池出巴東北新井縣水出地如涌泉可煮以

為又家有鹽泉之井

劉注蜀都臨邛縣江陽漢安縣皆有鹽井巴西充國縣有

鹽井數十李善注揚雄蜀都賦又曰西有鹽泉文選

梁

鹽亭縣

今仍

李膺蜀記云靈江東鹽井亭古方安縣

也周地志

利病書引作周地圖志

梁大同元年

利病書元作九於此

置亭今之縣也因井為名袁宇記劍南東道一梓州梁置鹽亭縣唐屬梓州以產鹽名縣司馬光資治通鑑二百三十胡三省注

魏

鹽亭縣今仍本漢廣漢縣之地也後魏恭帝改為鹽

亭縣以近鹽井因名元和郡縣志劍南道下梓州

後周

陵州見周閔帝元年又於此置陵州因陵井以為

名元和郡縣志劍南道下舊唐書地理志云以州南陵井為名袁宇記云隋大業三年廢

富世縣今富順縣後周置以富世鹽井為名輿地廣記梓州路

隋

陽安縣今簡有鹽井隋地理志

人復縣

今奉節縣

有鹽井白鹽山

隋地理志

仁壽縣

今仍

有鹽井

隋地理志

營井在縣南二十五里

隋大業元年開水淡遂廢

寰宇記劍南東道四陵州

彭水縣

今仍

有伏牛山出鹽井

隋地理志

唐

陽安縣

今簡州境

陽明鹽井在縣北十四里又有牛鞞

等四井公私仰給

元和郡縣志劍南道上簡州寰宇記引作十里輿地紀勝簡

州景物下云今郡北十里陽明井是也

有鹽

新唐書地理志

平泉縣

今簡州境

上軍井下軍井並鹽井也在縣北二

十里公私資以取給

元和郡縣志簡州

巴縣

今仍

有鹽

新唐書地理志

壁山縣

今仍

有鹽

新唐書地理志

閬中縣

今仍

有鹽

新唐書地理志

南部縣

今仍

有鹽

新唐書地理志

新井縣

今南部縣境

漢充國縣地唐武德元年分南部

晉安二縣置界內有鹽井

舊唐書地理志

有鹽

新唐書地理志

新井縣以縣多鹽井名之

明一統志六十八

新政縣

今南部縣境

有鹽

新唐書地理志

南充縣

今仍

有鹽

新唐書地理志

西充縣

今仍

有鹽

新唐書地理志

相如縣

今蓬州

有鹽

新唐書地理志

義賓縣

今宜賓縣

大秋溪在縣東北一十三里有秋溪



鹽井蓋因此水為名也

元和郡縣志劍南道上戎州

富義縣

今富順縣境

富義鹽井在縣西南五十步月出

鹽三千六百六十石劍南鹽井唯此最大其餘亦

有井七所

元和郡縣志劍南道下瀘州

隋富世縣貞觀二十

三年改為富義縣界有富世鹽井井深二百五十

尺以達鹽泉

寰宇記及紀勝作鑿石以達鹹泉口

俗呼玉女泉

紀勝引作

五以其井出鹽最多人獲厚利故曰富世

舊唐書地理志

長甯州

今長甯縣

慶元鹽官記李拽孫撰但通鑑載唐

末僖宗消井鹽已給蜀用

輿地紀勝長甯軍按拽孫疑即貽孫李心傳建

炎以來繫年要錄有作誼孫者當即一人

唐貞觀五年置南通州析

置鹽泉縣以隸之王象之謂敘州近邊之地別無

鹽泉意者卽今長甯之境唐初必輸稅矣利病書四川二

按一統志云唐置羈縻康南州以清井爲名後又改爲羈縻長甯州

奉節縣仍今古鹽泉井在縣東江心唐李貽孫云白

帝城之左五里得鹽井十四一統志按視淵事又類聚貽孫夔州都督

府記下云居民煮而利焉

雲安縣今雲陽縣雲安監城縣西北三十里劉昫曰雲

安多有鹽利方輿紀要四川四

萬歲縣今開縣境有鹽新唐書地理志

昆明縣今鹽源縣出鹽鐵夷皆用之鹽井在縣城中今

按取鹽先積柴燒之以水洗土卽成黑鹽元和郡縣志劍

南道中有鹽新唐書地理志

嵩州

廬山縣

今蘆山縣

有鹽

新唐書地理志

旭川縣

今榮縣境

貞觀元年於此置旭川縣縣有鹽井

號旭井因取以名縣

元和郡縣志劍南道下榮州

公井縣

今榮縣境

縣有鹽井十所又有大公井故縣鎮

因取以為名

元和郡縣志榮州

有鹽

新唐書地理志

應靈縣

今榮縣境

縣有鹽井四所

元和郡縣志榮州

有鹽

新唐

書地理志

威遠縣

今仍

縣有鹽井七所

元和郡縣志榮州

有鹽

新唐書地理志

地理志

和義縣

今威遠縣境

縣有鹽井五所

元和郡縣志榮州

鄆縣

見漢

縣有鹽井二十六所

元和郡縣志劍南道下梓州

有

鹽

新唐書地理志

通泉縣

今射洪縣境

赤車鹽井在縣西北十二里又別

有鹽井一十三所

元和郡縣志梓州

有鹽

新唐書地理志

鹽亭縣

今仍

有鹽

新唐書地理志

永泰縣

今鹽亭縣境

大汁鹽井在縣東四十二里又有

小汁鹽井歌井鍼井

元和郡縣志梓州

有鹽

新唐書地理志

涪城縣

今三臺縣境

有鹽

新唐書地理志

元武縣

今中江縣境

有鹽

新唐書地理志

飛鳥縣

今中江縣境

有鹽

新唐書地理志

方義縣

今遂寧縣

縣四面各有鹽井凡十二所

元和郡縣志劍

南道下遂州

有鹽

新唐書地理志

安居縣

今遂甯縣境

縣有鹽井四所

元和郡縣志劍南道下普州

有鹽

新唐書地理志

普慈縣

今遂甯縣境

縣有鹽井一十四所

元和郡縣志普州

彭山縣

今仍

有鹽

新唐書地理志

蓬溪縣

今仍

縣有鹽井一十三所

元和郡縣志遂州

有化

鹽池

新唐書地理志

長江縣

今蓬溪縣

有鹽

新唐書地理志

安岳縣

今仍

縣有鹽井一十所

元和郡縣志普州

有鹽

新唐

書地理志

普康縣

今安岳縣境

縣有鹽井三所

元和郡縣志普州

有鹽

新唐書地理志

樂至縣

今仍

有鹽

新唐書地理志

火井縣

今州境

縣有鹽井

元和郡縣志

臨邛縣

今州

附火井火井廣五尺深三丈在臨邛縣南一百里以

家火投之有聲如雷以竹筒盛之持行終日不滅

元和郡縣志

臨邛縣於今所治有火井劍官山也

舊唐書地理志

火井縣本臨邛縣地後周置火井鎮隋

末升為縣唐屬邛州有火井舊說云欲出其火先以家火投之須臾隆隆如雷聲爛然通天光耀十

里

輿地廣記成都府路邛州

蒲江縣

今仍

鹽井距縣二十里

元和郡縣志

有鹽

新唐

書地理志

江安縣仍今可盛鹽井在縣西北一十一里元和郡縣志瀘

州有鹽新唐書地理志

盤石縣今資州境有鹽新唐書地理志

龍水縣今資州境有鹽新唐書地理志

銀山縣今資州境縣有鹽井一十一所在管下元和郡縣志劍

南道上資州

資官縣今榮縣境有鹽新唐書地理志武德六年改屬資州

縣有鹽故名方輿紀要四川七

資陽縣仍今有鹽新唐書地理志

內江縣仍今鹽井二十六所在管下元和郡縣志資州有

鹽 新唐書地理志

陵州 仁壽縣 今資州屬境

陵井本浦國張道陵所開

後廢陵井更開狼毒井今之煮井是也居人承舊

名猶曰陵井其實非也今按州城南北二面 紀勝引無

南懸岸斗絕四面 紀勝四顯敞南臨井 紀勝作陵

井縱廣三十丈深八十餘丈益部鹽井甚多此井

最大以大牛囊盛水引出之役作甚苦以刑徒充

役中有祠蓋井神道陵祠在縣西南百步陵開鑿

鹽井人得其利故爲立祠陵卽張魯之祖父學道

鶴鳴山人從受道者出五斗米故時人號米賊亦

曰五斗米道 元和郡縣志劍南道下陵州仁壽縣 其井煎水爲鹽



歷代因之唐萬歲通天二年右補闕郭文簡奏賣水一日一夜得四十五兩半百姓貪利失業長安二年停賣水依舊稅鹽先天二年加課利歲稅有三千六百二貫偽蜀井塞陵井在州南一百九里唐時官私日收鹽五斗五升龍朔元年壞上元元年重開偽蜀棧塞蒲井在縣南四十里唐武德初開水淡遂廢寰宇記劍南東道四陵井監仁壽縣有鹽新唐書地理志貴平縣今仁壽縣境平井鹽井在縣東南七步元和郡縣志陵

州 貴平縣一井上平井在州東北九十三里唐

時日收鹽一石七斗五升與百姓分利偽蜀廢寰宇

記陵井鹽 有鹽新唐書地理志

籍縣

今仁壽縣境

有鹽

新唐書地理志

井研縣

今仍

井研鹽井在縣南七里鎮及縣皆取名

焉又有思棱井井鑊井

元和郡縣志陵州與地紀勝引棱作陵鑊上無井

字方輿紀要四川二井鑊山在縣北二里山俯臨鑊井因名又研井在縣南七里相近又有思陵井

研井在州

陵州

南一百三十三里唐時日收鹽八

斗貞觀二十一年崩壞總章二年重修偽蜀棧塞

不問

寰宇記陵井監

魏城縣

今綿州境

隋大業十年自鹽泉井移魏城縣理

按鹽泉井在今縣東南四十五里鹽泉縣理是也

東西井在縣東南四里井西為涪縣界井東為梓

潼縣界二縣界分境之所故曰東西

元和郡縣志劍南道下綿

州

有鹽

新唐書地理志

鹽泉縣

今綿州境

唐武德二年分魏城置鹽泉縣以地

有鹽井民得採澹為四方價售之地

寰宇記劍南東道二綿州

陽下鹽井在縣西一里

元和郡縣志綿州

有鹽

新唐書地理志

理志

巴西縣

今綿州境

有鹽

新唐書地理志

昌明縣

據一統志為今鹽源縣據唐地理志有兩昌明一隸舊州一隸綿州惟綿州者有有鹽字

今從唐書

有鹽

新唐書地理志

羅江縣

今仍

有鹽

新唐書地理志

薛城縣

今雜谷廳境

有鹽

新唐書地理志

鹽溪縣

今雜谷廳境

貞觀三年置有鹽溪村因為名

元和

郡縣志劍南道中維州

定康山在縣

保東十里明一統志六十七作

四十餘里方輿紀要四川二云在威州東南四十五里

定康水鹽溪皆出其

陽鹽溪村貞觀中置縣尋廢此村有鹽溪民得採

漣

寰宇記劍南西道九維州保甯縣

有鹽

新唐書地理志

宣漢縣

今太平縣

有鹽

新唐書地理志

臨江縣

今忠州境

有鹽

新唐書地理志

彭水縣

今仍

左右鹽泉今本道官收其課

元和郡縣志黔州

有鹽

新唐書地理志

開元時蜀道陵綿等十州鹽井九十所每年課鹽

都當錢八千五十八貫

元注陵州鹽井一所課都當錢二千六十一貫綿州

井四所都當錢二百九十二貫資州井二千八所都當錢一千八十三貫瀘州井五所都當錢一千

八百五十貫榮州井十三所都當錢四百貫梓州都當錢七百一十七貫遂州四百一十五貫閬州

一千七百貫普州二百七貫果州唐有鹽井六

百四十皆隸度支黔州今彭水縣境有井四十一成州

今甘肅成縣今甯遠府井各一果今順慶府閬今保寧府開今開

通今達縣井百二十三山南西院領之邛今邛眉眉今眉

州嘉今嘉定府有井十三劍南西川院領之梓今潼川府遂

今遂甯縣綿今綿州合今合州昌今榮昌縣渝今重慶府瀘今瀘州資今資

州榮今榮縣陵今仁壽等境簡今簡州井四百六十劍南東

川院領之新唐書食貨志凡天下有鹽之縣一百五山

南自秭歸至西充十八劍南自彭州蒲江至江安

縣三十九上海食貨引唐書地理志總括諸道唐之盛時邛眉嘉

有鹽井十五屬西川梓遂綿合昌渝瀘資榮陵簡

井四百六十屬東川東川鹽利多於西川者數倍

故知祥爭之也

資治通鑑二百七十六胡三省注凡統論不專指一地者系於各

代之後詩

文亦然

杜甫鹽井詩鹵中草木白青者官鹽煙官作既有程者鹽煙在川汲井歲稍楫出車日連連自公斗三百轉致斛六千君子慎止足小人苦喧闐我何良嘆嘆物理固自然杜工部集按此詩作於發秦州後似指秦州界內之鹽井然草堂詩箋內多引蜀鹽井事為證今甘肅惟漳及西和有井秦州界內亦無井而杜詩集中言蜀鹽井者亦不一而足如負薪行之勑力登危集市門生死射利兼鹽井十二月一日三首之負鹽出井此溪女出郭詩之送煙鹽井上西山三首之煙塵侵火井夔府詠懷之魚井為鹽連澗之休翻鹽井橫黃金皆蜀中作也因錄此詩連類及之又仇兆鰲杜詩八詳注增記云蜀有鹽井其水下鹹上淡土人取巨竹盡通中節惟下稍留節傍鑿小孔用牛皮掩孔口

皮連繩索下竹之後牽幸轉皮則鹹水入筒仍掩其孔沒起傾瀉不雜淡水又有火井空穴深邃投草引火則煙氣騰鬱理鍋其上藉以煎鹽此事甚奇因增記焉

蜀

成都

仍今

井附火

宵瞻火井之光

五代史彭注引後蜀李昊築成都羊馬城記

大昌縣

見唐

夔州大昌鹽井水中往往有龍近者稀

歸永濟井鹵槽亦有龍蟠者與大昌無異

孫光憲北夢瑣

言

雲安軍

今雲陽縣

蜀置有雲安榷鹽使

據十國春秋詳見職官

陵州

見唐

陵州有陵井偽蜀置監

李燾續通鑑長編八復見職官

陵州鹽井舊深五十餘丈鑿石而入其井上土下

石石之上凡二十餘丈以梗枴木四面鎖疊用障其土土下卽鹽脈自石而出僞蜀置監歲煉八十萬斤顯德中一白龍自井隨霹靂而出村旁一老父泣曰井龍已去鹹泉將竭吾蜀亦將衰矣乃孟昶卽國之二十三年也

釋文瑩玉壺清話三

宋

簡州今仍

鹽饒而田瘠貧富不均

輿地紀勝成都府路簡州風俗形勝

凡蜀之井其名存實亡者淳熙六年有旨簡之井產鹽惟最虛額尤多每歲計豁除折估錢五萬四

千九百餘道

同上注

闕者孫詩況此憔悴州居人仰煮鹵煮鹵數十耳餘者皆貧窶輿地紀勝成都府路簡州詩



昌元縣

今榮昌縣境

井九山在縣南一百五十里側有

鹽井土人呼為井九山

寰宇記劍南東道七昌州輿地紀勝昌元縣景物

下引寰宇記云在昌元縣一百五十里圖經在昌元縣西百餘里高嶮山側有鹽井人號為井九山

異此今為井三百餘所額十萬八千餘斤歲計一

百三十餘萬斤

又景物上

涪陵縣

今涪州境

白馬一鹽場

王存元豐九城志八夔州路

白馬

砦在州南宋置旁有白馬鹽場

方輿紀要四川四

武龍縣

今涪州境

鹹泉在武龍縣距白馬津東三十餘

里江岸有鹹泉初康定間有程運使舟次鵲岸聞

有硫黃氣襲人太甚謂此必有鹹泉駐舟召工開

之果得鹹脈是時兩邊山川

校勘記川字岑刻作水乃木字之訛相

接薪蒸贍足民未知烹煎之法乃於忠州遷井校勘

記行竈戶十餘家教以煮鹽之法未幾有四百餘

竈輿地紀勝夔州路涪州景物注

蓬池縣今儀隴縣

井火在縣西南三十里水涸之時以火或引作葦紀勝作藁

投其中燄從地中出可以禦寒移時方滅若掘深

一二丈頗有水出寰宇記山南西道七蓬州輿地紀勝利州路蓬州景物注引

小異

隣山縣今大竹縣臥牛一鹽井九域志七梓州路

富順監初為富義避太宗諱改今富順縣管鹽井大小六歲出鹽

貨三十餘萬貫寰宇記劍南東道七利病書四

三千餘萬

井一鹽井

元注監西關域志七梓州路

九

地多

鹹鹺故饒沃衍潤過於他郡掘地及泉鹹源遂湧

熬波出素邦賦彌崇縣有鹽井人獲厚利故曰富

世劍南鹽井惟此最大

元注舊日爲額八百餘斤今一千餘斤

百姓

得其富饒出鹽最多

輿地紀勝潼川府路富順鹽

三榮富順近

鹽號其地爲貪泉

同上風俗形勝

九域志云支江利濟池

傳云郭下井用此水淋灰卽鹽乾白而鹹圖經云

在監之西北與郭下井相近

同上景物下按九域志今無此文

本富義縣穿煎鹽鹽井一

宋史地理志

南溪縣

今仍

登

元注浙本作北

井一鹽井

九域志七梓州路

有鹽

井

宋史地理志

涓井監

今長甯縣

瀘州監二涓井

元注州西南二百里六十三里

南井

元注州西北七十里九域志七梓州路

涓井監隸瀘州江安縣祥符

三年減鹽課三之一長甯故涓井地初人未知有

井俄有二人因牧而辨其鹹告之有司乃置監鬻

鹽其井不鑿自成馬湖烏蠻安溪綿水羈縻十州

獻其鹽池官為涓井監深入夷腹百二十里

輿地紀勝

長甯軍沿革風俗形勝

井在鹽城北井之鹹脈有二

利病書引作溝

井脈二按溝疑清之訛

一自對溪報恩山址

山一作寺

渡溪而入

嘗夜有光如虹亂流而濟直至井所一自寶屏隨

山而入謂之雌雄水

同上長甯軍景物上注郡國利病書云溝井在縣北寶

屏山下按十州五國記羈縻十

州獻其鹽池官後為溝井監

涓井監鹽泉有雌

雄水監中雌雄龍君取雌雄水之義

同上景物注

長甯軍

縣今

唐屬賢州之鹽泉縣注正觀八年以石

門朱提鹽泉置撫夷縣及開邊縣隸戎州州卽今

之敘州也敘州之側近蠻之地別無鹽泉則鹽泉

之邑意者卽今長甯之境

輿地紀勝長甯軍

奉節縣

仍今

八陣圖在縣西南七里

元和郡縣補志作縣西荆

州圖副云圖下東西三里有一磧東西一百步南

北廣四十步磧上有鹽泉井五口以木爲桶昔常

取鹽卽時沙壅冬出夏沒

寰宇記山南東道七夔州

諸葛鹽

井有十四自山下至山上

他引有井常空六字

每盛夏

水漲則鹽泉迤邐

他引有遷去於江水之左

鹽

蘇詩自注

井江出分嶺山茅坡下岸側流出鹽泉輿地紀勝夔州官吏

注  
蘇軾諸葛鹽井詩五行水本鹹安擇江與井如何不相入此意誰復省人心固難足物理偶相是猶嫌取未多井上無閒綆

大昌縣

今大甯縣

大甯監本夔州大昌縣前鎮煎鹽之

所也在縣西六十九里溪南山領峭峻之中有鹽

泉湧出土人以竹引入泉置鑊煮鹽開寶六年置

監以收課利

寰宇記山南東道七夔州路

輿地紀勝大甯監風俗形勝注引晏公類

要略

開寶六年以夔州大昌縣鹽泉所置監大

同昌有巫溪鹽泉

九域志八夔州路

開寶六年有旨以縣

境近鹽井泉十七里置大甯監

輿地紀勝大甯監沿革

吳蜀

之貨盛萃於此一泉之利足以奔走四方

同上風俗形勝

井舊隸監瀘熙甲辰部使者王公輔更法歸之漕

司監不復與熙甯中歲額四百餘萬斤紹興中以

二百四十萬斤爲額閏年加十萬斤爲二百五十

萬斤

注又

故老相傳云寶山鹹泉其地初屬袁氏一

日出獵見白鹿往來於上下獵者逐之鹿入洞不

復見因酌泉知味意白鹿者山靈發祥以示人也

又景

物注

蘇軾金鹽說王莽敗時省中黃金三十萬斤爲匱者尙餘十許陳平用四萬斤問楚董卓郡塢金亦至多其餘賜三五十斤者不可勝數近世金以兩計雖人主未嘗以百金與人者何古多而今少也鑿山披沙無虛日糜壞至少金爲何往哉疑寶貨神變不可知復歸山澤耶吾聞鹽亦然峽中大甯

監日有定數若大商覆舟則鹽泉頓增乃知尋常  
隨便液出不以遠近皆歸本原也東坡集卷七

十春明宋永孚題鹽泉詩一泉流白玉萬里走  
黃金人事有因草寶源無古今與地紀勝大甯

監詩又有知監曹紳題綏策  
寶源天富國鹹脈海分潮

雲安縣

今雲陽縣

章

元注錢本章作軍

井一鹽場團雲一鹽井

九域志八夔州路

雲安監四圍九井歲產鹽二十九萬

二千二百一十斤雲安縣二井歲產五萬三千七

百九十斤

輿地紀勝夔州路雲安軍景物注

玉井鹽場團雲鹽

井

宋史地理志

南浦縣

今萬縣境

漁陽井歲收鹽十四萬六千三百餘

斤

王圻續通考二十三徵權

萬歲縣

見唐

鹽泉在縣東二十里平地

寰宇記山南西道五開州



昆明縣

見唐昆明爲唐縣名後廢

鹽井在縣城中今邑民取鹽

先積薪以火燒之以水洗灰

一引作燒灰

卽成黑鹽煉

之又白此邑川陸有鹽鐵之利尤爲邦邑之繁會

寰宇記劍南

西道九嵩州

盧山縣

今蘆山縣

鹽井在盧山者凡

闕

在車祿者凡十

有八

輿地紀勝成都府路雅州景物上注

榮州

今榮縣

有鹽井五十七

寰宇記劍南東道四

蜀食井鹽

如仙井大甯猶是大穴若榮州則井絕小僅容一

竹筒眞海眼也

陸游老學菴筆記五按陸在榮有晚登橫溪閣詩云煮井人忙下麥

遲

榮州多鹽井秋冬收薪茅最急

輿地紀勝潼川府路詩注

資官縣

今榮縣境

有鹽井

宋地理志

應靈縣

今榮縣境

榮德之鹽色微赤資官之鹽色純黑

又非舟楫所載惟應靈之鹽純白而商賈最衆以其水通流朝夕發運地不愛寶以資用度國家之

利也

輿地紀勝榮州景物下

有鹽井

宋地理志

公井縣

今榮縣境

熙甯四年省公井爲鎮有鹽監一端

平三年廢

宋史地理志

鄆縣

見漢

有三十四鹽井

九域志七梓州

縣有鹽井四十

三眼二十二眼見煎餘廢又富國監者本梓州鄆

縣富國鎮新井煎鹽之場也皇朝置鹽監以董其

事兼領通泉飛鳥等鹽井地去梓州九十里

寰宇記劍

南東道一富國監

涪城縣

唐見

管鹽井五十五所一十眼見煎四十五

眼塞

寰宇記梓州

二十七鹽井

九域志七梓州路宋史地理志同

潼川府

仍今

有鹽井銅山之富

輿地紀勝潼川府風俗形勝

射洪縣

仍今

一鹽井

九域志梓州

有鹽井

宋史地理志

鹽

井在縣界

方輿紀要四川六

通泉縣

今射洪縣境

管鹽井七十四所

寰宇記梓州

鹽亭縣

仍今

管鹽井三一井見煎

寰宇記梓州利病書引作煎一

六鹽井

九域志七梓州路

有六鹽井

宋史地理志

永泰縣

今鹽亭縣境

管鹽井五

寰宇記梓州

龍會井在縣

北四十里鹽井

輿地紀勝潼川府景物下

東關縣

今鹽亭縣境

管鹽井四三井見煎一井廢

寰宇記梓

州

有因鹽井

九域志七梓州及宋史地理志

元武縣

大中祥符五年已改名中江今仍

九州要記鹽井二近江

水淡煎鹽不成

寰宇記梓州

中江縣

今仍

一鹽井

九域志七梓州路

有鹽井

宋史地理志

飛鳥縣

唐見

管鹽井七三井見煎四井塞

寰宇記梓州

五鹽井

九域志七梓州

有五鹽井

宋史地理志

安岳縣

今仍

宋鹽井三十有八歲煎鹽二十二萬九

千餘斤

安岳縣志

長江縣

今蓬溪縣

井

火井在長江縣客館鎮之北二里

蓬溪縣志作縣西一

里伏龍山下地窪若池以火引之則有聲隱隱然

發於地中少頃熾炎夏月積雨停水則焰生水上水爲之沸而寒如故冬月水涸則土上有燄觀者

至焚其衣裾

輿地紀勝潼川府路遂甯府景物上注

邛州

今仍

州有二井宋舊名金鳳茅池

元史文宗紀及食貨志

臨邛縣

見唐

增火

火井在縣古城八里十道要記云火井有水

郡人以竹筒盛之將以照路蓋似今人秉燭卽水

中自有燄耳

寰宇記劍南西道四邛州按輿地廣記引博物志蜀都賦後云今無復見

矣或臨邛火井至宋卽滅耶

火井縣

見唐

靜邊井在縣西四五里出鹽

寰宇記劍南西道四

增火

有孤石山火井

九域志七成都府路

蒲江縣今仍

鹽井一寨鹽井一監有金釜山蒲江九域

志七成都府路

金釜山金鑿井金釜等八井見歲出課

鹽六萬三千斤

寰宇記邛州方輿紀要四上

有鹽井監鹽井寨

宋史地理志

蘇軾蜀鹽說蜀去海遠取鹽於井陵州井最古清井富順鹽亦久矣惟邛州蒲江縣井乃祥符中民王鶴所開利入至厚自慶曆皇祐以來蜀始用筒井用圓木鑿如盤大深者數十丈以巨竹去節牝牡相銜為井以隔橫入淡水則鹹泉自上又以竹之差小者出入井中為桶無底而竅其上懸熟皮數寸出入水中氣自呼吸而啟閉之一筒致水數斗凡筒井皆用機械利之所在人無不知後漢書有水甕此法惟蜀中鐵冶用之大略似鹽井取水筒太子賢不識妄以意解非也東坡集七十

瀘州今仍

南井鹽歲計四十一萬斤陀魯井歲計二

萬八千斤

輿地紀勝潼川府路瀘州景物上注

磐石縣

今資州宋史地理志作磐

有一十八鹽井

九域志七梓州及宋史地理志

理

宋置磐石縣有鹽井一

方輿紀要四川二

內江縣

今仍

有六十六鹽井

九域志七梓州及宋史地理志

陵州

又改陵井監又曰仙井監又曰隆州今仁壽等境

陵井監井鹽一注

監東三百步

九域志七成都府路

其井煎水為鹽歷代因

之偽蜀井塞國朝乾德三年平蜀陵州通判賈連

紀勝作棧

重開舊井一晝一夜汲水七十五函每函煎

鹽四十斤日獲三千斤至雍熙元年春冬日收三

千八百一十七斤秋夏日收一千四百四十七斤

蓋水源之有長短也陵井鹽井諸縣

陵井一仁壽二井研五始

建一貴

計十井日收鹽四千三百二十三斤

寰宇記陵

井監 輿地紀勝隆州古遂注引作 州 隆城南  
貴平一縣十井日收鹽四千三百斤

臨鹽井郡之鹽利冒於兩蜀家有鹽泉之利前距

漢嘉後距廣都分棟牛犇在其東鼎鼻嵯峨在其

西熬波出素利及全蜀 輿地紀勝隆州風俗形勝 天師井廣記

因天師治井晏公類要云本狼毒井 又隆州 鹽

井一 宋史地理志

沈括夢溪筆談陵州鹽井深五百餘尺皆石也上  
下甚寬廣中間稍狹謂之杖鼓腰舊自井底用柏  
木爲榦上出井口自木榦垂縷而下方能至水井  
側設大車絞之歲久井榦摧敗屢欲新之而井中  
陰氣襲人入者輒死無緣措手惟候有雨入井則  
陰氣隨雨而下稍可施工雨晴復止後有人以一  
木盤滿中貯水盤底爲小竅醴水一如雨點設於  
井上謂之雨神台水下終日不絕如此數月井榦  
爲之一新而陵  
井之利復舊



仁壽縣

今仍

聶甘井古鹽井也其旁有神廟今謂聶

社是也陵井本狼毒井

輿地紀勝成都府路隆州景物注云天師井本狼毒

井今名陵井又仁壽縣界別有五井二井見在營

井在縣南二十五里國朝乾德三年重開日收鹽

四十斤蒲井在縣南四十里國朝太平興國三年

重開日收鹽三十八斤五兩五井廢賴賓井石羊

井賴因井仁壽井奴襄井

寰宇記劍南東道四仁壽縣陵井監輿地紀

勝引營井蒲井在籍縣研井陵井校井律井並在井研縣籍縣亦今仁壽縣地

有陵井

九域志七成都府路

籍縣

今仁壽境

益州記云縣之東西南隅三山相對去

鹽井一里共號三隅山

輿地紀勝隆州景物注下

貴平縣

見唐

縣一井上平井在州州陵東北九十三里

偽蜀廢至乾德三年重開今日收鹽一百七十斤

平井益州記云官有兩竈二十八鎮

他引作鑊二疑字誤

日一夜收鹽四石如霜雪也

寰宇記陵州

貴平縣十

井日收鹽四千三百斤

輿地紀勝隆州古迹注引寰宇記按寰宇記見前陵

州爲陵井鹽井諸縣收數亦小異

井研縣

今仍

井鑊山在縣北二里其山俯臨井鑊因

以爲名井研縣二十一井五井見在研井在州州陵

南一百三十三里皇朝乾德三年重開日收鹽四

十九斤陵井在州南一百九里國朝乾德三年重

開日收鹽三十斤一十兩棱井在州南一百里偽

蜀已前廢塞至太平興國三年重開日收鹽五十  
三斤八兩律井在州南九十里僞蜀已前廢塞國  
朝太平興國三年重開日收鹽五十五斤田井在  
州南一百五十一里僞蜀已前廢塞至國朝太平  
興國三年重開日收鹽三十六斤一十六井廢獠  
母井還井賴倫井石烈井茫井宋井桶井柳泉井  
賴郎井遮井新井董川井潘令井小羅井依郎井  
帶井寰宇記陵井監有研井九域志七成都府路縣界有鹽井  
研淨因名輿地紀勝隆州井研縣注引隆山志  
文同丹淵集井研縣自慶歷以來始因土人鑿地  
構竹謂之卓筒井以取鹽井私煉鹽色後來其民  
盡能此法爲者甚衆遂與官中略出少月課乃倚  
之爲奸恣用鑄卓廣專山澤之利以供侈靡之費

豪家至有二三井其次亦不減七八向來朝廷嘗亦知其如此移置無已深慮寢久事有不便遂下本路轉運司止絕不許開造今本縣界內已僅及百家其所謂卓筒井者以其臨時易為藏掩官司悉不能知其實多寡數目每一家頂役工匠五十人至二三十人皆是他州別縣浮浪無根著之徒抵罪通逃變易姓名來此儲身賃力平居無事則俯仰抵折與主人營作一不如意則遞相扇誘羣黨譁言算索工食偃蹇求去聚墟落入鎮市飲博奸盜靡所不至已復又投一處習以為常利病書四

始建縣

今井研縣境

始建縣七井一井見在羅泉井舊

廢至乾德三年重開日收鹽三十五斤六井廢塔

泥井石縫井賴胡儒井赤石井賴子井賴洩井

寰宇

記陵井監

忠州

今仍

天聖三年戊午免忠州鹽井所增鹽初夔

州路提點刑獄盛京言忠州鹽井三場歲出三十

六萬一千四百餘斤近歲轉運司復增九萬三千

餘斤主者多至破產被繫而不能輸李燾續通鑑長編一百三

達州今達縣據唐宣漢縣當卽今城口廳宣漢井場元注在州東地一百二十里

名長腰鹹源洪亮吉乾隆府廳州縣志引作鹹泉出大江龍骨石窟

中涌出灘名羊門兩面山崖峻峭鹽源出於山下

遂煎成鹽寰宇記山南西道五利病書引作段氏遊蜀記云通開二州有鹽漆之利云

云明通院鹽井場九域志八夔州路通明院本唐宣

漢縣地僞蜀置通明院以催科賦皇朝因之有宣

漢鹽井地名長腰鹹源在大江龍骨石窟中涌出

輿地廣記夔州路按通明明通兩書互倒據宋史地理志南渡後增通明縣注云舊通明院當是九

域志

設

臨江縣

今忠州

塗井

下閩九域志入夔州路按元文下閩當是鎮或亦因井名

也

彭水縣

今

有鹽井一在縣東九十里今煎伏牛山

在縣東一百里山左右有鹽井州人現置竈煮以

充軍用

寰宇記江南西道十八涪州

鹽井鎮

九域志入夔州路

鹽有二類引池而化者周官所謂鹽鹽也今謂之

類鹽或者煮海或者煮井或者煮鹹而成者周官所謂散

鹽也今謂之末鹽煮井則川陝西路大為監小為

井監則置官井則募土民或役衙前主之益州路

則陵綿邛眉簡嘉雅漢八州

元注兩朝志無漢梓州今從三朝志

州路則梓資遂合戎榮果普昌渠瀘十一州富順

監

元注三朝志無合戎榮渠四州疑本或脫略也

利州路則閬州夔州路

則夔忠達萬黔開渝七州雲安軍大甯監凡顆鹽

末鹽皆以五斤爲斗顆鹽賣價每斤自四十四至

三十四錢有三等末鹽賣價自四十七至八錢有

三十一等至道末賣顆鹽錢七十二萬八千餘貫

末鹽一百六十三萬餘貫云

元注三朝志無渝州續通監長編九十

七元祐四年詔成都府路見管鹽井一百六十餘

井立爲定額不問大井及卓筒井不禁止若遇鹹

泉枯竭許於元井側近開卓取水以補元額井數

依條差官權定認納課例其枯竭元井却行棧開

仍不得創於他處及額外增添開卓先是御史呂

陶論列陵井監嘉州等處鹽井利害下轉運司相

度故有是詔

同上

四川三十州歲產鹽約六千四

百餘萬斤後隸總領財賦所贍軍

李心傳建炎以來繫年要錄

七

蜀中官鹽有隆州之仙井邛州之蒲江榮州

之公井大甯富順之井監西和州之鹽官長甯軍

之溝井皆大井也若隆榮等十七州則皆卓筒小

井而已

通攷此下云自祖宗以來皆民間自煮之成都潼川利路自元豐間歲輸課利錢銀

緝總爲八十萬緡比軍興所輸已增數倍矣然井有耗淡而鹽不成者官司慮減課額不肯相驗封

開高宗建炎二年十一月德

其用力甚艱惟大甯

之井鹹泉出於山竇間若垂瀑然民間分而引之



又有彭山之瑞應井味近硝得隆榮鹵餅雜而煎之然後成鹽元豐崇甯兩嘗禁止以食者多病故也紹興末總領所復弛其禁隆簡嘉榮之人病其侵射商販因代輸課息再行棧閉今謂之石腳錢然彭山之民特私煎如故仙井歲產鹽二百餘萬斤隸轉運司蒲江亞之總領所大甯鹽二百五十餘萬斤關歲取其四分元注一百三十萬七千餘斤計值九萬餘緡亦隸總領所元注每斤舊為三百紹興十七年宣司減五十二年十二月辛酉又減十二錢清井鹽四十餘萬斤歲取其贏五萬餘緡為軍食之用元注日額四十九萬二百斤取撥錢引四萬八千八百五道五百七十文應副總領所紹興十六年實產鹽四十一萬九千四百斤內三萬三千六百斤槁設七千八百斤贍

學二三萬斤錢本外餘三十四萬七千九百斤每斤二百五文計七萬七千三百十九貫五百文而本軍省計應用二萬三千八百七十八貫八百七十二文餘折官價錢引三萬七千六百八十三緡而已每歲大科二萬二千餘緡漕司抱其半尙虧惟鹽官萬一千餘緡二十二年十二月乃盡除之

歲產鹽計羨緡錢三萬爲利州錢監鑄本云然官鹽多惡雜不可食往往抑售於民州郡第利其贏

而已無能正之者

李心傳建炎以來朝野雜記甲集十四

四川石腳

井眉之眉彭丹棱嘉之洪雅等縣皆有石腳井筒

其實硝也在多悅者謂之山門在彭山者謂之瑞

應此二井尤盛然必得隆榮諸井之鹵對煉而後

可成鹽

元注隆榮諸井煎鹽既成其冰石若洲者棄之不用煉而成餅

食之者得

泄痢之疾官未權鹽時小民或私煎以求利元豐

三年立法禁止崇甯初張天覺爲尙書右丞建造成都府路常平司勾當公事勾居體兼措置兩川鹽事俾之鹽榷天覺罷尙書省言丹棱洪雅等縣多有石腳苦鹽不堪食用乞依元豐法禁人開煉併罷居體從之三年十一月戊寅也紹興中瑞應鄉民戶始有盜販鹵餅拌和硝石煎成小鹽低價以售者有司因爲勾推一作拘榷凡三十六井歲輸官錢萬七千餘緡旣而總領所以爲不便言於朝復行棧開而以其課額均於隣近嘉榮隆簡四州之井戶謂之石腳錢紹興二十四年也及嘉定五年多悅之民有犯法私煉者州旣抵罪制置大使司

聞之卽遣秉義郎新夔州路兵馬都監楊仲端者  
往山門措置其年九月也自後月得小鹽萬五斤  
皆不用引鈔徑行發賣歲責息錢萬九千二百緡  
然鹽既苦惡不可食所以抑售土居之人盜煎私  
販者因亦肆行官不敢問議者謂元豐立法者參  
知政事蔡確也崇甯禁止者右僕射蔡京也財用  
雖乏可以制有司而爲京確所不爲乎失之矣

同上

乙集  
十七

國朝井八百二十二又元豐鹽額成都路

爲井四十二收二百四十八萬九千三百六十二  
斤利州路爲井一百二十七梓州路爲井四百二  
十五夔州路爲監三爲井十四

玉海一百  
八十一

鬻井

爲鹽曰益梓夔利凡四路益州路

今成都府等處

一監九

十八井歲鬻八萬四千五百二十二石梓州路

今潼

川府等處

二監三百八十五井十四萬一千七百八十

石夔州路三監二十井八萬四千八百八十石利

州路

今廣元縣

一百二十九井一萬二千二百石各以

給本路大爲監小爲井監則官掌井則土民榦鬻

如其數輸課聽往旁境販賣唯不得出川峽仁宗

時成都梓夔三路六監與宋初同而成都增井三

十九歲課減五萬六千五百九十七石梓州路增

井二十八歲課減十一萬一十九石利州路井增

十四歲課減四百九十二石三斗有奇夔州路井

增十五歲課減三千一百八十四石凡四川四千九百餘井歲產鹽六千餘萬斤孝宗淳熙六年四川制置胡元質總領程价言推排四路鹽井二千三百七十五場四百五除井一千一百七十四場一百五十依舊額煎輸其自陳或糾決增額者井一百二十五場二十四並令渲淘舊井亦願入籍者四百七十九其無鹽之井卽與剗除不敷而抱輸者卽與量減共減錢引四十萬九千八百八十八道而增收錢引十二萬七千三百四十九道庶井戶免困重額四月蠲四川鹽課十萬緡十月再蠲課十七萬餘緡七年元質又言鹽井推排所以

增有餘補不足有司務求贏餘盈者過取涸者略減盡出私心今後凡遇推排以增補虧不得踰已減之數

宋史食貨志

煮井者益州路則陵井監及二

十八井歲煮一百十四萬五千餘斤綿州二十四

萬餘斤邛州九井二百五十萬斤眉州一井一萬

餘斤簡州十九井二十七萬斤嘉州

今嘉定府等處

十五

井五萬九千餘斤雅州一井一千六百餘斤漢州

一井五百餘斤梓州路則梓州一百四十八井三

百六十六萬餘斤資州九十四井六十四萬二千

餘斤遂州

今遂甯縣

三十五井四十一萬六千餘斤果

州

今順慶府

四十三井十四萬六千餘斤普州

今安岳縣

三

十八井二十二萬九千餘斤昌州今榮昌縣八井四萬

餘斤瀘州清井監今長甯縣及五井七十八萬三千餘

斤富順監十四井一百一十七萬三千餘斤利州

路則閬州今保甯府一百二十九井六十一萬餘斤夔

州路則夔州永安監十一萬七千餘斤忠州五井

五十一萬三千餘斤達州三井十九萬餘斤萬州

今萬縣五井二十萬九千餘斤黔州今彭水縣四井二十

九萬七千斤開州今開縣一井二十萬四千斤雲安

軍雲安監今雲陽縣及一井八十一萬四千餘斤大甯

監今大甯縣一井一百九十五萬餘斤以各給本路監

則官掌井則土民斡鬻如數輸課聽往旁境販賣



唯不得出川峽

馬端臨文獻通攷十五按與食貨志互有詳略故並錄

熙甯中忠萬戎瀘閬夷界小井尤多

利病書四川二

元

長甯軍

今爲縣

元歲課辦鹽三十萬斤

利病書四川二

閬鹽縣

今鹽源縣

至元中於黑白鹽井置閬鹽縣

明一統志

七十

至元二十七年并普樂閬鹽二州爲閬鹽

縣以境內有鹽井也

方輿紀要四川九

邛州

今仍

州有二井宋舊名金鳳茅池天厯初九月

地震鹽水湧溢至順三年州民侯坤願作什器煮

鹽而輸課於官詔四川轉運司主之

元史文宗本紀三十六及

食貨

志

鹽場十二處

食貨志云簡鹽場隆鹽場綿鹽場潼川場遂甯場順慶場保甯場嘉定場

長甯場紹慶場雲安場大甯場

俱鹽井所出井凡九十五眼在成

都夔府重慶敘南

今敘州府

嘉定順慶廣元

食貨志續通攷欽

定續通考

潼川紹慶府

今彭水縣

等路所管州縣萬山

之間

元史地理志十二

初設拘榷課稅所分撥竈戶五

千九百餘隸之從實辦課後爲鹽井廢壞四川軍

民多食解鹽至元二年立興元四川鹽運司修理

鹽井仍禁解鹽不許過界三十二年歲煎鹽一萬

四百五十一引二十六年一萬七千一百五十二

引皇慶元年以竈戶艱辛減煎餘鹽五千引天厯

二年辦鹽二萬八千九百一十引計鈔八萬六千

七百三十錠

元史食貨志

明

簡州

今簡州

府境

成都有

井大小不一出其水煎鹽歷

代因之簡州仁壽爲盛民賴其利

明一統志成都府土產

永樂四年七月通海井民言簡縣資陽鄉舊有竹

筒井乞分丁開煎歲得鹽萬餘斤

欽定續通攷二十引明實錄

西川鹽利簡州爲最上流井州北十里產鹽有

鹽課司又牛鞞井在州城內亦產鹽

方輿紀要四川二

明舊有九井宏治中水漲巖崩盡至填塞

一統志

舊州志明有九井日上流曰寶應曰韭菜曰水東

曰龍凹曰永城曰石馬曰海濟曰窑店宏治中水

漲巖崩盡皆填塞

簡州志

定遠縣

今仍

鹽灘溪在縣南十五里舊有鹽泉

方輿紀要

四川

南部縣

今仍

土產鹽縣有井

明一統志六十八

洪武二十

九年二月永城鹽井竈戶言井水涸竭艱於煎辦

乞於附近南部縣開大成鹽井以助不足

欽定續通攷

二十引明實錄

縣西五十里宗馬寺有寶井出鹽日可

易一馬人共宗之故名

利病書四川二引南部志按郡國利病書及方輿

紀要所載多引明志今各志中往往有沿引明志者頗與之合故兩書所載多錄入明

南充縣

今仍

府慶西六十里志云昆井大井也卽古

鹽井云又府境州縣俱有鹽井產鹽甚衆

明一統志六十

入土產

敘州府今仍

鹽井渦在府北四里其水鹹鹵可以煎

鹽方輿紀要四十八

富順縣今仍

富順長甯二縣有井

明一統志六十九

永樂

八年三月南部縣言富義井歲可得三萬六千五

百餘斤

欽定續通攷二十引明實錄

勝覽云鹽井惟富順監

最大舊日為額入百餘斤今日額止

方輿紀要四引有干

字

五百餘斤富順志云富義井在縣西一里近年

為淡水滲溢竈十淘遠近舊井賠課而此井遂廢

今鹽井十四

利病書四川二

長甯縣今仍

長甯治北清井二脈一鹹一淡取以煎

鹽塞其一則皆不流謂之雌雄井

明一統志六十九

溝

井在縣北寶屏山下元歲課辦鹽三十萬斤今歲

課辦鹽四十二萬五千五百斤按唐筠州下有鹽

水縣者是志云筠連縣之南二十五里亭臺山象

若亭臺形狀溪邊有鹽井即木桶井

利病書四川二

大甯縣

今仍

寶源山在縣北二十五里氣象盤蔚大

甯諸山惟此獨雄山半有石穴出泉如瀑即鹹泉

也

明一統志七十一方輿紀要四川四作二十里鹹作鹽又二仙洞在縣東北十七里鹽泉側方

與紀要作二仙山

雲陽縣

今仍

大甯雲陽二縣產鹽

明一統志七十

雲安監

城縣西北三十里明置雲安鹽課司即故鹽城矣

方輿紀要

四川西

鄧希明雲安場記雲陽縣北十五里渡小河又進五里至洞口洞口兩岸崱嶸中有一線水可行舟挽之進十五里始達雲安場崇禎甲申張獻忠入蜀後姚黃余李相繼為亂士民逃亡已僅存竈戶十二越十三年丁巳逃徙者漸歸鑿益竈戶二十又有水源出萬頃池遠桃花洞雪泡山南下左右礮礫沮洳水為山東至此獨緩瀉數十里俾舟得載薪運鹽以活居民雲陽縣志

開縣今仍三潮溪在縣東北五十里溫湯井側志云

井有三曰杉木曰柏木曰龍馬皆開煎鹽課溪水

經其旁一日三潮冬溫夏涼頗為神異利病書四川二

鹽井衛

今鹽源縣

鹽井衛出鹽

明一統志七十三

衛地饒給

多鹽利又鹽井衛有黑白二井又有鹽井遞運所

在衛東百里

方輿紀要四川九

雅安州今雅州府州南十五里多白石鹽土人鑛取之

名曰鹽崖利病書四川二引雅州志按梁元帝

如水精及其映日光似琥珀胡人和之以供國廚

名為君王鹽亦名玉華鹽又西陽雜俎十物異白

鹽巖有鹽如水精名為君王鹽兩說皆不著地

未知卽此否玉華鹽元案曾慥類篇作玉拿嘉慶通志

樂山縣今仍鹽場在縣東南十五里紅崖山

三余承勳理鮑說青衣非產鹽區也而編戶中有竈

籍焉故民無鹽井者而歲額之課不得免焉劉侯

貞齋曰版籍不可易也吾喻爾以熟鹽之道可以

無憾矣嘉慶通志閬隘三按說中所云似樂山向

無鹽利自劉創始者然文不

瞭事與人遂皆侯不可攷

隄為縣今仍縣東山出鹽明一統志永樂六年正

月隄為縣有四鹽井每歲開煎共得鹽十萬九千



入百斤

欽定續通考二十引明實錄

鹽井溪在縣北二十里

淨江壩山麓明初產鹽今盡湮沒又九井坳俱有

今亦沒

健為縣志

井火火井在蜀之臨邛今嘉定健為有之其泉皆

油熱之然人取為燈燭正德中方出古人博物亦

未及此也積陽之氣所生固非怪異

楊升菴外集四

潼川州

今為府

本州境及所屬七縣俱有井

明一統志七十

一達溪縣志引下云舊屬華池縣

鹽亭縣

今仍

縣管鹽井三煎一

利病書四川二

中江縣

今仍

永樂八年二月通海竈丁李逢青言祿

聚井煎不及額而中江金佛竹筒小鹽井歲可得

一萬二千六十斤乞開煎以補虧課

欽定續通  
攷二十引明

實錄

安岳縣

仍今

明初鹽井二十有四歲入課九百五十

七引一百六十九斤一十三兩二分八釐折徵銀

七百四十七兩一錢一分八釐八毫五絲一忽天

順後脈減民逃無井償價謂之乾賠當道憫之徵

如前額萬厯後歲入課一百八十一引十斤八兩

八錢折徵銀二百三十六兩三分舊井二十三高

黃朱福廟泉邱家宋家邵家余家王家川李喜井

巖屋懶筒上寶珠下寶珠關家玉池茅壩董家董

磨龍潭雙筒大成巖子和尙

成化間雙筒以下四  
井折入樂至竈戶共

五十有九其管轄分縣佃井富新井三十四曰小

義華池黃市通海五鹽課司鬼塘金雞樊家金龜栗材爛泥溝兩河滴水巖谷

樓門珠林天王張家渡五峯戴家長席椿桐茅壩

千工堰石玉柏林馮家石板昌浩麻柳溝杜家清

流葉家普照石橋土井立福迴龍水磨井久廢俱

係乾賠正統間止有竈丁六七十名

安岳縣志

李奇英請免攤課議安岳土瘠民貧鹽課一端深為民病查閱鹽冊本縣實有朱福廟泉竈籍井眼俱於正統年間場廢止有竈丁等每年乾賠課銀三百二十四兩八錢八分三毫二絲五忽又因通省失額蒙委岳池張知縣遂甯趙知縣前來本地踏勘未察乾賠之苦惟取國課之盈又以丁糧加增銀三百八十兩六錢六分二釐六絲七忽五微以補老額遂爾倍重竈丁逃亡無怪乎陳萬榮有稱本分乾賠之外又苦重徵之誅也前蒙批令查處先經本縣署印本州同知陶允肅以通縣丁糧

每石包銀一分五釐二毫六絲八忽以助窮竈誠恐啓民爭訴計非久遠今欲再議各竈委實窮苦量爲難豁又恐課銀額定似難開除將欲另行設法彌補當今民命孔急財用空虛將何應派措補彼此斟酌踴躍請俯念貧竈倒懸將原額老課三百餘兩照舊乾賠追解其岳遂兩知縣所撥派者量行豁免免則人心安於額之舊而乾賠之苦少得息肩不然原課不敷灑派復至派之竈戶則乾賠且不忍言何況重復一免二皮不可訓也派之丁糧則閭里盡已蕭條安可加增亡羊補牢誠非便也安岳縣志按此則由丁糧攤課明已有之矣

彭山縣

今仍

縣出鹽有九井

明一統志七十一

蒲江縣

今仍

金釜山在縣南八里下有鹽井亦以金

釜爲名

方輿紀要四川六

資縣

今資州直隸州

羅泉井在縣西百二十里產鹽有鹽

課司

方輿紀要四川二

明有羅泉跳石金李陳福淵潭

五井俱在縣西七十里內先年井坍丁逃課逋額  
虛萬厯間清察附仁壽中江外本縣仍該完銀四  
百四兩四錢六分二釐因竈戶乾賠無抵召開竹  
筒小井兵燹後填塞

資州志

內江縣今仍永樂八年內江縣言大通溪口小皮袋

井歲可得四千四百餘斤

欽定續通攷  
二十引明實錄

黃市

井在縣西南二十里產鹽宋志云內江有六十六

鹽井此其一也今有黃市井鹽課司

方輿紀要  
四川二

仁壽縣今仍洪武三十一年四月成都府仁壽縣奏

石基鹽井廢宜開益興井以助歲課從之

欽定  
續通攷

二十引  
明實錄西有艷陽洞亦曰燄陽卽鹹泉之源也

亦曰陵井又曰仙井宋志監於此志曰府境有鹽井大小不一惟仁壽縣及簡州所出最多民資其利有仙泉井鹽課司在縣治南半里

方輿紀要四  
川二按仁壽

縣志云洞門東至鹽井  
相距四十一丈八尺

明鹽井四眼又中壩井

在縣北七十里高家場明廢

縣志

井研縣

今仍

永樂元年八月戶部言四川羅片井水

耗井井研縣大羅片筒小井可以開煎三年正月

又言福興思安二井歲額鹽五萬六千九百四十

九斤今年久鹹水細微虧一萬二千四百餘斤乞

開北河井水鹹薪便可增常額一萬七千二百餘

斤

欽定續通攷  
二十引明實錄

萬厯間清察老井二十眼竈

六十九戶竈丁六百六十一丁共課銀四百四十八兩一錢四分又於續開幫納之小井亦准課銀二百三十七兩三錢七分謂之新井

縣志引舊志

太平縣

今城口縣

明通井在八保又名宣漢凡井十六

明設巡檢於此又斑鳩井在明通井巖畔其鹹源

自石穴中流出

城口縣志

彭水縣

今仍

明代郁山四井皆小竈焚草煎鹽曰郁

山井課銀三十三兩六錢草船課銀五錢曰鴉鳩

井課銀三十二兩八錢五釐八毫草船課銀二兩

曰雞鳴井課銀二十一兩七錢四分無草船課外

楠木小井課銀二兩四錢巖渴課銀七錢

彭水縣志

洪武五年歲辦大引鹽三萬七千八百四十二引

有奇凡轄鹽井五十一處

欽定續通攷二十引明貢錄

洪武

間歲辦上流等

今簡州

九井鹽課司鹽一百九十一

萬九千五百七十斤零永通等

今健為縣

七井鹽課司

鹽八十四萬四千七百七十斤郁山井

今彭水縣

鹽課

司鹽二十二萬六千八百斤涂甘井

今忠州

鹽課司

鹽一十六萬四千二百斤零雲安場

今雲陽縣

等五井

鹽課司鹽二百一十二萬四千六百二十斤通海

等三井

今中江縣按金堂縣通海鎮又有鹽課司金堂無井

鹽課司鹽二十

四萬四千三百三十斤零福興等六井鹽課司鹽

四十九萬七百七十斤廣福等

今遂甯縣

三井鹽課司



鹽二十二萬四千四百七十斤零華池等今潼川府三

井鹽課司鹽二十二萬四千二百二十斤新羅等

今榮縣貢井二井鹽課司鹽七十二萬五千五百斤富

義等今富順縣一十三井鹽課司鹽一百八十八萬八

千斤羅泉等今資州五井鹽課司鹽三十二萬一千

三百斤零黃市等今內江縣二井鹽課司鹽六十九萬

四千斤仙泉等今仁壽縣鹽課司鹽三萬八千八百五

十斤宏治間歲辦上流等井鹽課司鹽二百七十

九萬四千四十五斤零永通等井鹽課司鹽二百

六十一萬八千八百四十一斤零郁山井鹽課司

鹽七十三萬二千二百八斤零涂甘井鹽課司鹽

二十八萬七千八百一十五斤雲安場等井鹽課  
司鹽二百四十九萬八千四百九十一斤零通海  
等井鹽課司鹽九十二萬一千三百三十斤零廣  
福等井鹽課司鹽五十五萬六千三百二十五斤  
華池等井鹽課司鹽六十三萬四千五百三十二  
斤零新羅等井鹽課司鹽九十九萬五千八百七  
十八斤零富義等井鹽課司鹽三百六十七萬九  
千二百七十二斤零羅泉等井鹽課司鹽一百二  
十四萬四千一百二十七斤零黃市等井鹽課司  
鹽一百七萬五千六百一斤零仙泉井鹽課司鹽  
二百一十三萬七千六百一十五斤零福興等井

鹽課司鹽如舊額萬厯六年歲辦鹽九百八十六

萬一千一百四十斤歲解陝西鎮鹽課銀七萬一

千四百六十四兩

明萬厯會典二十三

洪武間歲辦鹽共

一千一十二萬七千四百四十斤宏治間歲辦鹽

共二千一十七萬六千八十斤其福興等井鹽課

司四十九萬七百七十斤見辦如宏治額

續通攷二十四

洪武二十五年四川鹽井五十七處

欽定續通攷景川

侯曹震奏

洪武間井二百七十八額課一千六百零

五萬九千九百三十斤以後漸增前額名新增鹽

吹毛剔骨名埋沒鹽

郭子章鹽井圖說序蜀古井百一竹井十九其鑿之甚艱其入之甚深汲之甚苦至於鐵釘漚釘刮

筒吞筒等制續悉俱備子過射洪同馬令明衡三  
問竈丁井匠頗得其詳顧命岳論方記之論方前  
爲國役記其事末言苦在竈丁利入商囊徵輸告  
急勢必流徙庶幾仁人言哉晉中鹽池出鹽可食  
東南海濱民汲海水甫入鑊成鹽乃蜀井之得勤  
且苦如此司鹽美者何見晉齊趙之易而以概蜀  
之艱也射

洪縣志